

КАФИСМА ШЕСТАЯ

¹ Псалом Давиду,
в воспоминание о субботе, 37

² Гóсподи, да не я́ростию Твоёю обличи́ши мене́, ниже́ гнёвом Твои́м нака́жеши мене́. ³ Я́ко стрéлы Твоя́ унзóша во мне, и утверди́л еси́ на мне ру́ку Твою́. ⁴ Несть исцелéния в плóти моéй от лица́ гнёва Твоегó, несть мiра в костéх мои́х от лица́ грех мои́х. ⁵ Я́ко беззакóния моя́ превзыдо́ша главú мою́, я́ко брéмя тяжкое отяготéша на мене́. ⁶ Возсмердéша и согни́ша раны́ моя́ от лица́ безúмия моего́. ⁷ Пострада́х и слякóхся до конца́, весь день сéтуя хождáх. ⁸ Я́ко лядвия́ моя́ напóлнишася поругáний, и несть исцелéния в плóти моéй. ⁹ Озло́блен бых и смири́хся до зела́, рыка́х от въздыхáния сёрдца моего́. ¹⁰ Гóсподи, пред Тобóю все желáние моé и въздыхáние моé от Тебé не утайся. ¹¹ Сёрдце моé смятéся, оста́ви мя силá моя́, и свет óчию моéю, и той несть со мно́ю. ¹² Дрúзи мои́ и и́скреннии мои́ прýмо мне прибли́жишася и стáша, ¹³ и бли́жнии мои́ отдалéче мене́ стáша и нуждáхуся и́щущи дýшу мою́, и и́щущи злáя мне глаго́лаху сýетная и льстивным весь день поучáхуся. ¹⁴ Аз же я́ко глух не слы́шах и я́ко нем не отверзáяй уст свои́х. ¹⁵ И бых я́ко человек не слы́шай и не имýй во устéх свои́х обличéния. ¹⁶ Я́ко на Тя, Гóсподи, упова́х, Ты услы́шиши, Гóсподи Бóже мой. ¹⁷ Я́ко рех: да не когда́ порáдуют ми ся врази́ мои́: и внегда́ подвижáтися ногáм мои́м, на мя велерéчеваша. ¹⁸ Я́ко аз на раны́ готóв, и болéзнь моя́ предо мно́ю есть вы́ну. ¹⁹ Я́ко беззакóние моé аз возвещú и попеку́ся о гресé моём. ²⁰ Врази́ же мои́ живúт и укрепи́шася пáче мене́, и умно́жишася ненави́дящи мя без прáвды. ²¹ Воздаю́щи ми злáя возблагáя оболгáху мя, занé гоня́х благостýнью. ²² Не оста́ви мене́, Гóсподи Бóже мой, не отступи́ от мене́. ²³ Вонми́ в пóмощь мою́, Гóсподи спасéния моего́.

¹ В конéц, Идифуму,
песнь Давиду, 38

² Рех: сохраню пути моя, еже не согрешати ми языком моим: положих устом моим хранило, внигда востати грешному предо мною. ³ Онемех и смирихся, и умолчах от благ, и болезнь моя обновися. ⁴ Согрееся сердце мое во мне, и в поучении моем разгорится огонь. Глаголах языком моим: ⁵ скажи ми, Господи, кончину мою и число дней моих, кое есть? Да разумю, что лишаюся аз? ⁶ Се пяди положил еси дни моя, и состав мой яко ничтоже пред Тобою, обаче всяческая суета всяк человек живый. ⁷ Убо образом ходит человек, обаче все мятется: сокровиществует, и не весть, кому соберет я. ⁸ И ныне кто терпение мое, не Господь ли? И состав мой от Тебе есть. ⁹ От всех беззаконий моих избави мя, поношение безумному дал мя еси. ¹⁰ Онемех и не отверзох уст моих, яко Ты сотворил еси. ¹¹ Отстави от мене раны Твоя: от крепости бо руки Твоея аз исчезох. ¹² Во обличениях о беззаконии наказал еси человека и истаял еси, яко паучину, душу его: обаче все всяк человек. ¹³ Услыши молитву мою, Господи, и моление мое внуши, слез моих не премолчи: яко пресельник аз есмь у Тебе и пришлец, якоже вси отцы мои. ¹⁴ Ослаби ми, да почию, прежде даже не отиду, и кому не буду.

¹ В конец, псалом Давиду, 39

² Терпя, потерпех Господа, и внят ми, и услыша молитву мою. ³ И возведе мя от рова страстей, и от брения тины, и постави на камени ноге мой, и исправил стопы моя, ⁴ и вложи во уста моя песнь нову, пение Богу нашему. Узрят мнози и убоятся, и уповают на Господа. ⁵ Блажен муж, емуже есть имя Господне упование его, и не призре в суеты и неистовления ложная. ⁶ Многа сотворил еси Ты, Господи, Боже мой, чудеса Твоя и помышлением Твоим несть кто уподобится Тебе: возвестих и глаголах, умножишася паче числа. ⁷ Жертвы и приношения не восхотел еси, тело же свершил ми еси, всесожжений и о гресе не взыскал еси. ⁸ Тогда рех: се прииду, в главизне книжне писано есть о мне: ⁹ еже сотворити волю Твою, Боже мой, восхотех, и закон Твой посреде чрева моего. ¹⁰ Благовестих правду в церкви велицей, се устнам моим не возбраню: Господи, Ты разумел еси. ¹¹ Правду Твою не скрых в сердце моем, истину Твою и спасение Твое рех, не скрых милость Твою и истину Твою от сонма многа. ¹² Ты

же, Господи, не удали щедрот Твоих от мене: милость Твоя и истина Твоя выну да заступите мя. ¹³ Яко одержаша мя злая, имже несть числа, постигша мя беззакония моя, и не возмогах зрети, умножишася паче влас главы моея, и сердце мое остави мя. ¹⁴ Благоволи, Господи, избавити мя: Господи, во еже помощи ми вонми. ¹⁵ Да постыдятся и посрамятся вкупе ищущи душу мою изъяти ю, да возвратятся вспять и постыдятся хотящии ми злая. ¹⁶ Да примут абие студ свой глаголющии ми: благоже, благоже. ¹⁷ Да возрадуются и возвеселятся о Тебе вси ищущи Тебе, Господи, и да рекут выну: да возвеличится Господь, любящии спасение Твое. ¹⁸ Аз же нищ есмь и убог, Господь попечется о мне. Помощник мой и Защититель мой еси Ты, Боже мой, не закосни.

Слава:

¹ В конец, псалом Давиду, 40

² Блажен разумевай на нища и убога, в день лют избавит его Господь. ³ Господь да сохранит его и живит его, и да ублажит его на земли, и да не предаст его в руки врагов его. ⁴ Господь да поможет ему на одре болезни его: все ложе его обратил еси в болезни его. ⁵ Аз рех: Господи, помилуй мя, исцели душу мою, яко согреших Ти. ⁶ Врази мой реша мне злая: когда умрет и погибнет имя его? ⁷ И вхождаше видети, все глаголаше сердце его, собра беззаконие себе, исхождаше вон и глаголаше вкупе. ⁸ На мя шептаху вси врази мой, на мя помышляху злая мне. ⁹ Слово законопреступное возложиша на мя: еда спяй не приложит воскреснути? ¹⁰ Ибо человек мира моего, на негоже уповах, ядый хлебы моя, возвеличи на мя запинание. ¹¹ Ты же, Господи, помилуй мя и возстави мя и воздам им. ¹² В сем познах, яко восхотел мя еси, яко не возрадуется враг мой о мне. ¹³ Мене же за незлобие приял и утвердил мя еси пред Тобою в век. ¹⁴ Благословен Господь Бог Израилев от века и до века: буди, буди.

¹ В конец, в разум сынов
Кореовых, псалом Давиду,
не надписан у еврей, 41

² Имже образом желает елень на источники водныя, сие желает душа моя к Тебе, Боже. ³ Возжадает душа моя к Богу Крепкому, Живоуму: когда прииду и явлюся лицу Божию? ⁴ Быша слезы моя мне хлеб день и ночь, внемда глаголатися мне на всяк день: где есть Бог твой? ⁵ Сия помянух и излих на мя душу мою, яко пройду в место селения дивна, даже до дому Божия, во гласе радования и исповедания шума праздноущаго. ⁶ Вскую прискорбна еси, душе моя? И вскую смущаеши мя? Уповай на Бога, яко исповемся Ему, спасение лица моего, и Бог мой. ⁷ Ко мне самому душа моя смятеса: сего ради помянух Тя от земли Иордански и Ермонийски, от горы малыя. ⁸ Бездна бездну призывает во гласе хлябий Твоих, вся высоты Твоя и волны Твоя на мне преидоша. ⁹ В день заповесть Господь милость Свою, и нощию песнь Его от мене, молитва Богу живота моего. ¹⁰ Реку Богу: Заступник мой еси, почто мя забыл еси? И вскую сетуя хожду, внемда оскорбляет враг? ¹¹ Внемда сокрушати костем моим, поношаху ми врази мой, внемда глаголати им мне на всяк день: где есть Бог твой? ¹² Вскую прискорбна еси, душе моя? И вскую смущаеши мя? Уповай на Бога, яко исповемся Ему, спасение лица моего, и Бог мой.

Псалом Давиду,
не надписан у еврей, 42

¹ Суди ми, Боже, и разсуди прю мою, от языка непреподобна, от человека неправедна и лстива избави мя. ² Зане Ты еси, Боже, Крепость моя, вскую отринул мя еси? И вскую сетуя хожду, внемда оскорбляет враг? ³ Посли свет Твой и истину Твою, та мя настаvista и введоста мя в гору святую Твою и в селения Твоя. ⁴ И вниду к жертвеннику Божию, к Богу веселящему юность мою, исповемся Тебе в гуслах, Боже, Боже мой. ⁵ Вскую прискорбна еси, душе моя? И вскую смущаеши мя? Уповай на Бога, яко исповемся Ему, спасение лица моего, и Бог мой.

Слава:

¹ В конец, сынов Кореовых,
в разум, 43

² Бóже, ушима нашими услышахом, и отцы наши возвестиша нам дело, еже соделал еси во днех их, во днех древних. ³ Рука Твоя языки потреби, и насадил я еси, озлобил еси люди и изгнал еси я. ⁴ Не бо мечем своим наследуша землю, и мьшца их не спасе их, но десница Твоя, и мьшца Твоя, и просвещение лица Твоего, яко благоволил еси в них. ⁵ Ты еси Сам Царь мой и Бог мой, заповедавая спасения Иаковля. ⁶ О Тебе враги наша избодем роги, и о имени Твоем унижим востающих на ны. ⁷ Не на лук бо мой уповаю, и мечь мой не спасет мене. ⁸ Спасл бо еси нас от стужающих нам, и ненавидящих нас посрамил еси. ⁹ О Бóже похвалимся весь день и о имени Твоем исповемся во век. ¹⁰ Ныне же отринул еси и посрамил еси нас, и не изыдеши, Бóже, в силах наших. ¹¹ Возвратил еси нас вспять при вразех наших, и ненавидящие нас расхищашу себе. ¹² Дал еси нас яко овцы снеди, и во языцех разсеял ны еси. ¹³ Отдал еси люди Твоя без цены, и не бе множество в восклицаниих наших. ¹⁴ Положил еси нас поношение соседом нашим, подражение и поругание сущим окрест нас. ¹⁵ Положил еси нас в притчу во языцех, покиванию главы в людех. ¹⁶ Весь день срам мой предо мною есть, и студ лица моего покры мя ¹⁷ от гласа поношающего и оклеветашающего, от лица вражия и изгоняшаго. ¹⁸ Сия вся приидоша на ны, и не забудом Тебе, и не неправдовахом в завете Твоем. ¹⁹ И не отступил вспять сердце наше, и уклонил еси стези наша от путей Твоего. ²⁰ Яко смирил еси нас на месте озлобления, и прикры ны сень смертная. ²¹ Аще забудом имя Бóга нашего и аще вздохом руки наша к бóгу чуждему. ²² Не Бог ли взыщет сих? Той бо весть тайная сердца. ²³ Зане Тебе ради умерщвляемся весь день, вменихомся яко овцы заколения. ²⁴ Востани, вскую спиши, Господи? Воскресни и не отрини до конца. ²⁵ Вскую лице Твое отвращаеши? Забываеши нищету нашу и скорбь нашу? ²⁶ Яко смирися в персть душа наша, прильпе земли утроба наша. ²⁷ Воскресни, Господи, помози нам и избави нас имене ради Твоего.

¹ В конец,
о изменяемых сыном Кореовым,
в разум,
песнь о возлюбленном, 44

² Отрыгну сердце мое слово благо, глаголю аз дела моя царевни: язык мой трость книжника скорописца. ³ Красен добротой паче сынов человеческих, излился благодать во устах Твоих, сего ради благослови ты Бог во век. ⁴ Препояши меч Твой по бедре Твоей, Сильне. ⁵ Красотой Твоею и добротой Твоею, и наляцы, и успевай, и царствуй истины ради и кротости, и правды, и наставит Тя дивно десница Твоя. ⁶ Стрелы Твоя изощрены, Сильне, людие под Тобою падут в сердца враг царевых. ⁷ Престол Твой, Боже, в век века: жезл правости, жезл Царствия Твоего. ⁸ Возлюбил еси правду и возненавидел еси беззаконие, сего ради помаза Тя, Боже, Бог Твой елеем радости, паче причастник Твоих. ⁹ Смирна и стакти и кассиа от риз Твоих, от тяжестей слоновых, из нихже возвеселиша Тя. ¹⁰ Дщери царей в чести Твоей, предста Царица одесную Тебе, в ризах позлащенных одяна преиспещрена. ¹¹ Слыши, Дщи, и виждь, и приклони ухо Твое, и забуди люди Твоя, и дом отца Твоего. ¹² И возжелает Царь доброты Твоея: зане Той есть Господь Твой и поклонись Ему. ¹³ И дщи Тирова с дары, лицу Твоему помолются богатии людстии. ¹⁴ Вся слава Дщере Царевы внутрь, рясны златыми одяна и преиспещрена. ¹⁵ Приведутся Царю девы в след ея, искренния ея приведутся Тебе. ¹⁶ Приведутся в веселии и радовании, введутся в храм Царев. ¹⁷ Вместо отец твоих быша сынове твои: поставиши я князи по всей земли. ¹⁸ Помяну имя Твое во всяком роде и роде. Сего ради людие исповедятся Тебе в век и во век века.

¹ В конец,
о сынех Кореовых,
о тайных, псалом 45

² Бог нам Прибежище и Сила, Помощник в скорбех, обретших ны зело. ³ Сего ради не убоимся, внемда смущается земля и прелагаются горы в сердца морская. ⁴ Возшумеша и смятошася воды их, смятошася горы крепостию Его. ⁵ Речная устремления веселят град Божий: освятил есть селение Свое Вышний. ⁶ Бог посреде его, и не подвижится: поможет ему Бог утро заутра. ⁷ Смятошася языцы, уклоншася царствия: даде глас Свой Вышний,

подвижется земля. ⁸ Господь сил с нами, Заступник наш Бог Иаковль. ⁹ Приидите и видите дела Божия, яже положи чудеса на земли: ¹⁰ отъемля брани до конец земли, лук сокрушит и сломит оружие, и щиты сожжет огнем. ¹¹ Упразднитесь и разумейте, яко Аз есмь Бог: вознесуся во языцех, вознесуся на земли. ¹² Господь сил с нами, Заступник наш Бог Иаковль.

Слава:

По 6-й кафисме, Трисвятое.

Таже тропари, глас 3: Хвалу приношу Ти, Господи, прегрешения моя вся возвещаю Ти, Боже, обратив помилуй мя.

Слава: Спаси мя, Боже мой, якоже иногда мытаря спасл еси, и блудницы слез не презревый, и мое воздыхание прими, Спасе мой, и спаси мя.

И ныне: Рабски ныне притекаю к покрову Твоему, Пренепорочная: избави мя, Богородительнице, слияния страстей, яко безстрастия Виновнаго Родшая.

Господи, Помилуй (40) и молитва:

Благодарим Тя, Господи Боже наш, о всех благодеяниях Твоих, яже от перваго возраста до настоящаго в нас, недостойных, бывших, о ихже вемы и не вемы, о явленных и неявленных, яже делом бывших, и словом: возлюбивый нас, якоже и Единороднаго Твоего Сына о нас дати изволивый. Сподоби и нас достойны быти Твоея любви. Дажь словом Твоим мудрость и страхом Твоим вдохни крепость от Твоея силы, и аще что хотяще или не хотяще согрешихом, прости, и не вмени и сохрани душу нашу святу, и представи ю Твоему Престолу, совесть имущу чисту, и конец достоин человеколюбия Твоего. И помяни, Господи, всех призывающих имя Твое во истине: помяни всех, блага или сопротивная нам хотящих: вси бо человецы есмы, и всуе всяк человек. Темже молимся Тебе, Господи: подаждь нам Твоего благоутробия велию милость.